

## البسطيلة

إوا الله يجعل كلشي مبارك ؤ مسعود!!

اليوم الموضوع ديالنا رمز للحفلات ؤ الأعياد، غادي نتكلموا على البسطيلة. بالصحة ؤ الراحة!  
كما العادة نرجعوا للتاريخ ديال البسطيلة كيفاش عرفناها ؤ كيفاش عرفاتنا. كاين اللي كايگول بأن عرفنا البسطيلة من بعد الدخول ديال العرب د الأندلس، ولكن كاين اللي كايگول لا، الدخول ديال العرب ديال الأندلس ؤ من بعد عاد غادي تبان البسطيلة. الأصل ديال الكلمة على حسب الدراسات كاتگول بأن هاد الكلمة هادي مؤخودة من اللغة الإسبانية أو الإيطالية. على كل حال لأن جات من بات باستا إلى باستيا بسطيلة. البسطيلة اللي كانعرفوا راه تطورات ؤ تنوعات كان غير بالفراخ كانسغوبها متلا بالحمام ؤ لا الدجاج. دبا ويلانا كانلقاو البسطيلة ديال الحوت ؤ ديال فواكه البحر. ولكن الحاجة المهمة: هي الورقة. أهم حاجة هي الورقة لأن باش تسغيبها كاين واحد الطريقة ؤ تقنية مهمة. على كل حال حنا ما غاديش نڭولوا كيفاش، اللي عارفين أنها كاتطيب غير بالبخار ولكن نشوفوا دابا إلا بغيت تشري الورقة أشنو خاصني نشوف؟

الورقة ديال البسطيلة راه إلا شفناها كاتكون رقيقة ؤ رهيبة دغية كاتقطع ؤ لا تهرس، علاش؟ هي راه كاتطيب بواحد الطريقة كيف كانگولوا حنايا بالأناقة ؤ بالنخوة، يعني ماكاتقيش العافية غير بالبخار ديالها اللي كايطيها. إوا بالصحة ؤ الراحة!

دابا تمشي إل السوق ؤ تشري الورقة ديال البسطيلة. كيف كلنا البسطيلة، الورقة ديالها راه رهيبة ؤ رقيقة، إذن مني غانشري الورقة ديال البسطيلة خاصني نتأكد من أنها ما مقطعة مامتقوية. إلا كنت غانشري الورقة ديال البسطيلة إذن راه غادي ندير البسطيلة إذن معول يجيو عندي العائلة ؤ الأحباب. غير هو نشري الكمية اللي غاتقندي. الورقة ديال البسطيلة راه حتى هي كاتخسر، ؤ الورقة ديال البسطيلة إلا خسرت إلا شمناها غانعرفوها خسرت، علاش؟ غا تولي فيها الريحة ؤ غانشمو فيها ريحة الخل. هادي من جهة. غانتكلموا على آخر حاجة ؤ الموضوع ديالنا الترات ؤ التقاليد ديال المغرب. تكلمنا ف الموضوع على البسطيلة ؤ بغينا نڭولوا بأن البسطيلة سخونة مزيانة ؤ شحال لديدة منين كاتكون باردة. ؤ اليوم ما غاديش نتكلموا على الكيلوكالوريت. ؤ بالصحة ؤ الراحة.

ؤ هادشي كلو إلا گناه غير باش تستهلك بلا ما تهلمك!!!